

RADUNANZA CUMÜNELA

108. Protocol dals 14-02-2024 - 20.15 h

Il president cumünel, sar Romeo Cusini, po salüder 51 persunas cun dret da vuscher a la radunanza cumünela illa Seletta da la scoula primara Zuoz. Specielmaing bivgnainta el las rapreschantantas ed ils rapreschantants da las media.

Il president cumünel constata cha l'invid culla glista da tractandas per la radunanza cumünela es gnieu tramiss tenor artichel 30 da la constituziun cumünela. Cunter la glista da tractandas nu do que üngünas objecziuns our dal ravuogl da la radunanza.

Siand cha'ls affers tractandos nu dumandan ziev'üna decisiun da la radunanza cumünela, fo il president la proposta da renunzcher sülla tscherna da scrutinaduras e scrutinaduors. I'l cas cha que fess dabsögn, as po aunch'adüna piglier zieva la tscherna. La radunanza cumünela es perincletta cul agir.

634 01 Organisaziun da vschinauncha
 01.C Radunanza cumünela
 01.D.01 Appruvaziun protocol

1. Protocol da la radunanza cumünela dals 22 november 2023

Il protocol da la radunanza cumünela dals 22 november 2023 es sto publicho vi da la tevla naira e sülla pagina d'internet da la vschinauncha dals 27 december 2023 fin ils 29 schner 2024. Ils votants e las votantas haun temp 30 dis düraunt il temp da publicaziun per inoltrer eventuels recuors cunter il protocol. Siand cha que nu d'eira il cas vela il protocol automaticamaing scu approvo. Il president ingrazcha al chanzlist Patrick Steger per la cumpilaziun ed a sar Gian Marc Dosch per la publicaziun.

635 01 Organisaziun da vschinauncha
 01.C Radunanza cumünela
 02.H Votaziuns ed elecziuns
 02.H.02 Tschernas da Chalandamarz

2. Propostas per las tschernas da Chalandamarz 2024

Il president cumünel declera l'agir tenor la constituziun cumünela e la situaziun cumples-siva da las tschernas da Chalandamarz e spiega las differentas caricar e düredas da telas: In cotschen sun las persunas chi sun da rimplazzer ed in blov las caricar in tscherna cullas persunas chi's mettan darcho a disposiziun.

Presidi cumünel	Temp d'uffizi restant	Prosmasreelecziun pussibla	Remarchas
Cusini Romeo	0 ans	2024	Tscherna da rimplaz-zamaint 2023

Cussagl cumünel	Temp d'uffizi restant	Prosmasreelecziun pussibla	Remarchas
Schucan Lucian	0 ans	Limit da temp d'uffizi	
Wieser Flurin	0 ans	2024	Tscherna da rimplaz-zamaint 2023
Ferrari Cristian	1 an	2025	
Tarnuzzer Ladina	1 an	2025	
Blumenthal Alexandra	2 and	2026	
Delnon Jachen	2 and	2026	

Cumischiun sindicatoria	Temp d'uffizi restant	Prosmasreelecziun pussibla	Remarchas
Masüger Heinz	0 ans	Limit da temp d'uffizi	
Arquint Niculin	1 an	2025	
Hardegger Andrea	2 ans	2026	

Cumischiun da fabrica	Temp d'uffizi restant	Prosmasreelecziun pussibla	Remarchas
Camichel Lothar	0 ans	2024	
Salzmann Marco	1 an	2025	
Albertin Remo	2 ans	2026	

Cussagl da scoula	Temp d'uffizi restant	Prosmasreelecziun pussibla	Remarchas
Casty Karin	2 ans	2026	

Cun quista survista es la situaziun a regard tuot las caricas preschanteda transparenta-
maing. Our dal ravuogl da la radunanza nu do que üngünas dumandas u remarchas. Per
las caricas in tscherna as mettan darcho a disposiziun u vegnan clamedas our da la radun-
anza cumünela seguaintas personas:

Presidi cumünel	1 sez	Tscherna regulara	Per 3 ans
------------------------	--------------	--------------------------	------------------

Sar Romeo Cusini

Cussagl cumünel	2 sez	Tscherna regulara	Per 3 ans
------------------------	--------------	--------------------------	------------------

Sar Flurin Wieser

Sar Silvano Plebani

Duonna Sandra Zala

Cumischiun sindicatoria	1 sez	Tscherna regulara	Per 3 ans
--------------------------------	--------------	--------------------------	------------------

Duonna Alice Bühler

Cumischiun da fabrica	1 sez	Tscherna regulara	Per 3 ans
------------------------------	--------------	--------------------------	------------------

Sar Lothar Camichel

Ulteriuras propostas per las tschernas paun gnir inoltredas fin venderdi, ils 16 favrer 2024
a las 16:00h, in scrit sülla chanzlia cumünela.

636 01 Organisaziun da vschinaunha
01.C Radunanza cumünela
01.C.05 Infurmaziuns
3. Orientaziuns

Il president cumünel orientescha in nom dal cussagl cumünel sur dal seguaint:

Chalandamarz 2024: In connex cul cortegi a Madulain ils 29 favrer 2024 vain la veglia via
chantunela traunter Zuoz e Madulain serreda temporar.

Ad es gnieu s-chaffieu ün nouv cudesch da chaunt cullas chanzuns da Chalandamarz in
duos vuschs. Il president ingrazcha a la magistraglia, a la cumischiun da Chalandamarz ed
a tuots chi haun contribuieu a quista spüerta.

